



Broj: 01/5-50-1-5-48/10
Sarajevo, 8.3.2010. godine

Z A P I S N I K
48. sjednice Komisije za saobraćaj i komunikacije,
održane 8.3.2010. godine

Sjednica je održana 8.3.2010., s početkom u 14,05 sati.

Sjednici su prisustvovali članovi Komisije: Sadik Bahtić, Selim Bešlagić, Branko Dokić, Savo Erić, Željko Kuzmanović, Slavko Matić, Šemsudin Mehmedović, Husein Nanić i Mehmed Suljkanović

Iz Ministarstva komunikacija i prometa BiH sjednici su prisustvovali: Rudo Vidović, ministar, Kojo Koprivica, pomoćnik ministra, Božidar Škravan i Mladen Goluža, savjetnici ministra, Milanka Sudžum, šef Odsjeka za komunikacije, Namik Kupusović, rukovodilac Jedinice za implementaciju projekta „Autoput na Koridoru Vc“, i Zoran Andrić, viši stručni saradnik za drumski prijevoz putnika i roba.

Sjednici su još prisustvovali: Zijad Sinanović, direktor Sektora za promet i komunikacije Vanjskotrgovinske komore BiH, Nenad Pandurević, sekretar Komisije za vanjsku i trgovinsku politiku, carine, saobraćaj i komunikacije Doma naroda, Zoran Brkić, viši stručni saradnik u Sektoru za odnose s javnošću, Ahmed Jalovičić, sekretar Komisije za saobraćaj i komunikacije, i Aleksandar Ninković, stručni savjetnik u Komisiji za saobraćaj i komunikacije.

Sjednicom je predsjedavao Branko Dokić, predsjedavajući Komisije.

Za sjednicu je predložen sljedeći

D N E V N I R E D

1. Usvajanje Zapisnika 47. sjednice Komisije;
2. Prijedlog zakona o izmjenama i dopunama Zakona o osnovama sigurnosti saobraćaja na putevima u BiH – predlagač: Vijeće ministara BiH (druga komisijska faza);
3. Izvještaj Vijeća ministara BiH o aktivnostima na projektu „Autoput na Koridoru Vc“ i Plan narednih aktivnosti;
4. Razmatranje Informacije Ministarstva komunikacija i prometa BiH o dosadašnjim aktivnostima na digitalizaciji javnih radiotelevizijskih servisa BiH;
5. Plan rada Komisije za saobraćaj i komunikacije Predstavničkog doma za 2010. godinu;
6. Tekuća pitanja

- Dopis Udruženja građana oštećenog vida iz Tuzle u vezi izmjene i dopune Zakona o Javnom radiotelevizijskom sistemu BiH.

Dnevni red usvojen je jednoglasno.

Ad. 1. Usvajanje Zapisnika 47. sjednice Komisije

Zapisnik 47. sjednice usvojen je jednoglasno, bez primjedbi.

Ad. 2. Prijedlog zakona o izmjenama i dopunama Zakona o osnovama sigurnosti saobraćaja na putevima u BiH – predlagač: Vijeće ministara BiH (druga komisijska faza);

Predsjedavajući je dao uvodne napomene, a zatim dao riječ predstavniku Ministarstva komunikacija i prometa BiH Koji Koprivici, koji je iznio kratku analizu primjedbi i mišljenja iznesenih na Javnoj raspravi o Prijedlogu zakona o izmjenama i dopunama Zakona o osnovama sigurnosti saobraćaja na putevima u BiH.

Nakon toga je otvorena rasprava u kojoj su učestvovali članovi Komisije: Slavko Matić, Selim Bešliagić, Branko Dokić, Husein Nanić, Savo Erić, i predstavnici Ministarstva komunikacija i prometa BiH: Rudo Vidović, Kojo Koprivica i Zoran Andrić.

Predsjedavajući je napomenuo da je uočio određene nepreciznosti zbog tehničkih grešaka u Prijedlogu zakona, te je uložio amandmane na Prijedlog zakona kojima se uočene greške otklanjaju.

Amandmane na Prijedlog zakona je uložio i poslanik Husein Nanić.

Nakon rasprave, Komisija je jednoglasno usvojila sljedeće amandmane:

Amandman I. (Branko Dokić)

U članu 22. u stavu (1) iza riječi “stav (2)” dodaju se riječi “i (3)” .

Amandman II. (Branko Dokić)

U članu 42. Prijedloga zakona dodat je novi član 129b. i u članu 129b. u stavu (3) iza riječi “za smještaj tereta“ dodaju se riječi “vozila iz člana 129a. stav (2)”.

Amandman III. (Husein Nanić)

U članu 69. st. (2), (3) i (4) brišu se.

Dosadašnji stav (5) postaje stav (2).

Amandman IV. (Branko Dokić)

Članom 78. Prijedloga zakona dodat je novi član 234a. i u članu 234a. stav (1) tačka 2) brišu se riječi “stav (2)”.

Amandman V. (Branko Dokić)

U članu 81. u stavu (1) briše se tačka 1a).
Dosadašnja tačka 1b) postaje tačka 1a).

Amandman VI. (Branko Dokić)

Član 83. mijenja se i glasi:

- (1) U članu 239. u tački 12) riječi „čl. 55 i“ se zamjenjuju riječju „član”.
- (2) U tački 17) iza riječi „člana 81.“ dodaju se riječi „i člana 82“.
- (3) Tačka 20) mijenja se i glasi:
„20) vozač koji neispravno vozilo vuče suprotno odredbama člana 88.“;
- (4) U tački 21) riječi „tač.“ mijenja se riječju „stav“ a na kraju teksta dodaju se riječi „kao i vozač koji upravlja traktorom bez upaljenog žutog rotacionog svjetla (član 90. stav (6))”.
- (5) Tačka 22) mijenja se i glasi:
„22) gonič stoke koji stoku ne drži u skladu sa odredbama člana 104. stav (2) i (4)“.
- (6) U tački 29) riječi „stav (5)” zamjenjuju se riječima „stav (7)”.
- (7) U tački 30) riječi „član 183. stav (1)” zamjenjuju se riječima „član 177. stav (5)“.
- (8) U tački 33) riječi „saobraćajnu dozvolu” zamjenjuju se riječima „potvrdu o registraciji”.

Amandman VII. (Branko Dokić)

Članom 84. Prijedloga zakona dodat je novi član 239a. i u članu 239a. u stavu (4) riječi “stav (3)” zamjenjuju se riječima “stav (4)”.

Amandman VIII. (Husein Nanić)

U članu 89. stav (2) se briše.

Komisija jednoglasno prihvatila tekst Prijedloga zakona sa usvojenim amandmanima, te predlaže Predstavničkom domu da usvoji Prijedlog zakona o izmjenama i dopunama Zakona o osnovama sigurnosti saobraćaja na putevima u BiH.

Ad. 3. Izvještaj Vijeća ministara ministara BiH o aktivnostima na projektu „Autoput na Koridoru Vc“ i Plan narednih aktivnosti;

Predsjedavajući je otvorio raspravu u kojoj su učestvovali članovi Komisije: Selim Bešliagić, Branko Dokić i Husein Nanić, te predstavnici Ministarstva komunikacija i prometa BiH: Rudo Vidović i Namik Kupusović.

Nakon rasprave, Komisija je jednoglasno usvojila Izvještaj Vijeća ministara BiH o aktivnostima na projektu „Autoput na Koridoru Vc“ i Plan narednih aktivnosti.

Ad. 4. Razmatranje Informacije Ministarstva komunikacija i prometa BiH o dosadašnjim aktivnostima na digitalizaciji javnih radiotelevizijskih servisa BiH;

U raspravi o ovoj tački učestvovali su članovi Komisije: Branko Dokić, Selim Bešliagić, Željko Kuzmanović, Husein Nanić, Savo Erić, Slavko Matić, Mehmed Suljkanović, te predstavnici Ministarstva komunikacija i prometa BiH: Rudo Vidović i Božidar Škravan. Komisija je primila Informaciju k znanju.

Ad. 5. Plan rada Komisije za saobraćaj i komunikacije Predstavničkog doma za 2010. godinu;

Komisija je jednoglasno usvojila Plan rada Komisije za saobraćaj i komunikacije Predstavničkog doma za 2010. godinu.

Ad. 6. Tekuća pitanja

- Dopis Udruženja građana oštećenog vida iz Tuzle u vezi izmjene i dopune Zakona o Javnom radiotelevizijskom sistemu BiH.

Komisija je primila k znanju Zahtjev Udruženja građana oštećenog vida iz Tuzle u vezi izmjene i dopune Zakona o Javnom radiotelevizijskom sistemu BiH, te usvojila zaključak da se navedeni zahtjev dostavi na znanje Ministarstvu komunikacija i prometa BiH.

Predsjedavajući je zaključio sjednicu u 16,45 sati.

SEKRETAR KOMISIJE
Ahmed Jalovičić

PREDSJEDAVAJUĆI KOMISIJE
dr. Branko Dokić

Dostavljeno:

- INDOK-u

- a/a